

Annwyl Ymgeisydd,

Mae'r Ymddiriedolaeth wrth ei bodd eich bod chi'n ystyried swydd gyda Gwasanaeth Ambiwylans Cymru.

Ymddiriedolaeth GIG Gwasanaethau Ambiwylans Cymru yw un o'r ymddiriedolaethau ambiwlans mwyaf yn y Deyrnas Unedig, felly bydd gweithio gyda ni yn brofiad anhygoel.

Mae mwy i Gymru na dim ond Tom Jones, rygbi'r undeb a chaws pob – mae'n un o'r gwledydd mwyaf cyfeillgar i fyw a gweithio ynddi, ac rydym ni'n chwilio am bobl i ymuno gyda'n tîm a mwynhau'r wlad brydferth hon.

Mae'n gartref i fwy na 8,000 milltir sgwâr o ddyffrynnoedd glaswelltog, arfordiroedd dramatig a chestyll hynafol – ynghyd â thri Pharc Cenedlaethol a phum Ardal o Harddwch Naturiol Eithriadol – mae gan Gymru lawer i'w gynnig. Rydym ni hefyd yn arweiniol o ran digwyddiadau celfyddydol, diwylliannol, bwyd a diod a chwaraeon.

Wrth graidd y tirwedd amrywiol, poblogaeth amrywiol a'r cyfoeth o hanes yma, mae Gwasanaeth Ambiwylans Cymru yn darparu gofal clinigol o'r radd flaenaf 24 awr y dydd, 365 diwrnod y flwyddyn i'r tri miliwn o bobl sy'n byw yng Nghymru.

Fel gwasanaethau ambiwlans eraill a'r Gwasanaeth Iechyd Gwladol ehangach, mae gennym ni ein heriau, ond rydym ni'n cymryd camau i sicrhau amodau gwaith gwell i'n pobl a gwneud gwelliannau i'r rhai pwysicaf oll – ein cleifion.

Os ydych chi'n meddu ar yr ymddygiadau sy'n ofynnol gennym ni i'n cynorthwyo i gyflawni ein pwrpas a'n gweledigaeth newydd, a'ch bod yn angerddol dros ddarparu gofal cleifion rhagorol ac eisiau tyfu a datblygu mewn sefydliad sy'n gweddnewid gwasanaethau'n barhaus i fodloni anghenion y cymunedau rydym ni'n eu gwasanaethu, sy'n newid yn barhaus, rydym ni am glywed gennych chi.

Ein dyhead yw rhagoriaeth ym mhopeth rydym ni'n ei wneud ac mae gennym ni gyfle gwych i adeiladu ar sylfeini cryf a chadarn ein gweithlu sgiliedig ac ymroddgar a'r perthnasoedd cryfach rydym ni'n eu llunio gyda chleifion, partneriaid a'r cyhoedd.

Manylion amdanom ni

Mae Gwasanaeth Ambiwylans Cymru yn cyflogi mwy na 3,000 o staff a gwirfoddolwyr, ac mae gan bawb swyddogaeth i'w chyflawni wrth ddarparu gwasanaeth i gleifion. Mae ein gwasanaethau ni'n cynnwys:-

Gwasanaeth Meddygol Brys – sy'n gyfrifol am ymateb i'r holl alwadau brys ac argyfwng, a darparu gofal priodol cyn cyrraedd yr ysbyty.

Gwasanaeth Cludiant Cleifion – mae rhan hanfodol o'r hyn rydym ni'n ei wneud yn cynnwys mynd â phobl i ac o apwyntiadau allgleifion mewn clinigau, ysbytai a chanolfannau dydd.

Canolfannau Cyswllt Clinigol – sy'n derbyn galwadau brys ac argyfwng ac sy'n gyfrifol am anfon criwiau ambiwlans at gleifion.

Galw Iechyd Cymru / Gwasanaeth 111 – sy'n darparu cyngor a gwybodaeth iechyd ar y ffôn a thrwy'r wefan.

Adrannau Gwasanaethau Cymorth – mae'r rhain yn cyflawni rhan hanfodol bwysig yn ein gwaith o ddydd i ddydd, o reoli ein cyllid a chadw ein systemau Technoleg Gwybodaeth yn gweithio i recriwtio staff newydd a'u hysbysu am y wybodaeth ddiweddaraf.

Gyda'n gilydd rydym ni oll yn chwarae rhan yn sicrhau y medrwn ni ymateb i unrhyw un y mae arnynt angen ein cymorth ni, 24 awr y diwrnod, 365 diwrnod y flwyddyn.

Er mwyn dysgu rhagor am y sefydliad, edrychwch ar
<http://www.ambulance.wales.nhs.uk/default.aspx?lan=cy>

Dymunaf y gorau i chi gyda'ch cais.

Jason Killens
Prif Weithredwr

